

## আর্থিক স্বাচ্ছন্দ্য পেয়ে ইস্টবেঙ্গল আইএসএল খেলুক কুশল

স্টাফ রিপোর্টার : “তাড়াছড়োর কী আছে? ইস্টবেঙ্গল আইএসএল খেলুক আমরাও চাই। এবছর যদি নিয়ম-কানুন পালন করতে অক্ষম হয় তাহলে পরের বছর খেলবে। আসলে আমি চাই আর্থিক স্বাচ্ছন্দ্য পাওয়ার পর ইস্টবেঙ্গল আইএসএল খেলুক” বেঙ্গল চেম্বার অব কমার্সের উদ্যোগে এক ওয়েবিনার-এ একথা বলেন ফুটবল ফেডারেশনের সচিব কুশল দাস। এই বক্তব্যে কুশল বোঝালেন এবছর ইস্টবেঙ্গলের আইএসএল খেলা নিয়ে তিনিও সংশয়ে। ফেডারেশন সচিব জানিয়ে দিয়েছেন, আগামী পাঁচ বছরের মধ্যে জাতীয় কোচ হিসাবে একজন ভারতীয়কে দেখতে চান।



কুশল দাস

“আমরা বেশ কিছু কোচকে নির্বাচন করে জার্মানি বা নেদারল্যান্ডে পাঠাব।

তারা সেখান থেকে কোচিং নিয়ে এসে ভারতীয় ফুটবলকে সমৃদ্ধ করবেন।” জানান কুশল। এবছর আইএসএল গোয়ায় ও আই লিগ কলকাতায় হবে। ওয়েবিনারে ছিলেন ফেডারেশনের সহ-সভাপতি সুব্রত দত্ত। তাঁর মতে, “তৃণমূল স্তরে ফুটবলার তুলে আনার যাবতীয় চেষ্টা চালানো হচ্ছে। জুনিয়র আই লিগ খেলে ২০২ দল। বেবি লিগ খেলে প্রায় চার হাজার দল। আশা করছি, এবার আমরা নিজেদের যোগ্যতায় জুনিয়র বিশ্বকাপ খেলতে পারব।” মুখ্যমন্ত্রী মমতা বন্দ্যোপাধ্যায়কে সেন্টার অব এক্সেলেন্সের জন্য ১৫ একর জমি দেওয়ায় ধন্যবাদ জানান সুব্রত।